



^ 16
2810
36



16
2810
3

昭和二十三年
一月十八日
梅

月齋詩集卷三

克魯倫研究室

平定張穆

題呂堯仙編修古專文拓本

癸卯七月初四日

慕古情日顛俗尚皆失職異文訂斷碣細款辨寶鬲金石
徧瓊蠟幽尋到瓦甓盤洲箸錄來世益勤翠墨浙馮聚稱

鏤嘉興馮登府有皖吳工摹勒桐城吳幟令六書學漢後

哆獨得兀抱尚友懷官奴郡齋寂堯仙專文多從其先德

寤夢有默契攜拾昧杯棘鹿山游展折庚定官塙防託始

漢五鳳紀年鈞魯國隸體漸解散點畫初側趨永和八法

具禊敘證無忒內凡晉永和三六七八九年專五又一晉

宋好書手一堂快良觀劉蕭四姓嬪隋唐千祀歷筆法閱
 流變淳絳爽其則古人慎作事微物有必救官付俗工匠
 戈磔莽陵轢慕古不知古雖多亦何益懿哉呂太史苔蘚
 親濯剔芒肖燕尾差暈留土花蝕聖周嚴昔制燒專詳近
 式堯仙引檀弓之聖周嚴氏家訓之二百五十羨著錄者
燒專證古者葬必用專極精覈五十餘思猶橫溢一暨遠相賸矜重逾宏璧遺余最初本
 欣賞百朋錫劉覽拓專圖棐几來古色壽春廉墓文李申
生得廉頗墓河間君子德苗先路得河間側聞稍稍出擴
專於壽州我隘古識鬼神隱呵護虛空過辟歷

述懷感舊六十韵為老友安北王母山先生壽七月初七

日

總卯出見客談論儼成人詞館舊名輩賞我氣不馴會稽
 舅氏行莫寶齋宏識鏡人倫講德扶根奧聽倦客欠伸幼
 眇欣有會請辨恆斷斷賞我具夙慧汝器天廟珍九載困
 鄉井凶喪丁一身穆自癸未夏侍母西歸奉諱家居囊穎
庚寅仲兄歿王辰正月始復入都時一露激歎不遂巡斯時意氣濶章句未肯循高心躡姬
 似世儒陋轅申新安亦父行程春海厓岍頗嶙峋賞我文
 錦爛妙誇女手鶉侍郎贈詩有云詎知俞君黟大儒精博
鶉兮手文錦薦美珏蘭陵荀客邸一解后過從輒頻頻跟踵偶別異相訪荒江
 濱己亥春理初許君起日照家法浹長遵視我十年長蛩
訪我於江陰

巨兩相因此外尙二三交際亦云醇最後得安工投分俞
 許均安工與俞許誼亦鬻季親祝犁大淵獻我華文字屯
 俞君在南服馳書來相詢許君屬目擊奔懇詞激辛安工
 搯老擊敢憤不敢嗔不傷斯文玷所傷原憲貧意異情則
 同氣類吾輩真俞君倏云亾白門送歸輪庚子夏理初卒於金陵惜陰書
 舍許君迫飢驅涕上皋比新年來印林掌教於金陵惜陰書院閉門輦轂下
 秋鴻弗我賓安工時示過閒隔無兼旬自言賦性狷未能
 涇渭泯老年結新懽相杖如戈矜再拜銘君貺敢復判畦
 畛惟君六書學析理猶析薪桂氏達神指多岐非通津段
 巖稍識例大路仍芥榛契悟所開豁達慎未敢臣學山學

夫岱導江導自岷築室始平地樓觀俄連闔粵櫨根大木
 寸銖絜百鈞說解十四卷研尋三十春未及俞之大已兼
 許之純小學貫羣籍顛極君實臻所嗟海氛惡偃蹇橫巨
 鱗異茁出天苑大河浩無垠彫氓岷罹創瘡羽檄馳紛綸自
 乏鉛刀用徒爲懷葛民尤慙鄭公德威望壓黃巾君年今
 六十盛德日閭閻端居殫著述夕惕總若夤行復將作吏
 小試膏雨郇疾惡勿太甚摘伏斯若神因其渾渾樸達吾
 勉勉仁無以字斷法雅訓心所紉索居縱可歎高詣足陶
 甄御龍古有劉相馬今無歎久分填溝壑亦實戒風塵儻
 得綴殘斷儒理還份份以此從君後庶無媿薦紳祝君勵

偉績老節森霜筠即以君名為祝也

題程震北秋燈課子圖甲辰五月初六日夏至

新安侍郎今詞宗巨筆盪摩排闥風三世交情海內鮮我
昔謁公方成童童癡未解讀書味辜負慈母宵九熊長大
歸來重相見公時屬艸蓬萊宮為言曲江新年少有叔英
英尤文雄俗眼知羨成名早孤兒樹立非艸艸太君詩禮
舊嫻熟燈昏月落心情槁江上洲荒艸堂靜書城學海恣
尋討鳴鳳輝輝五色華捷書馳報江之涯回念寒機短檠
側書聲驚夢回鄰家鄰家少姬今始媪哆向里巷羣兒誇
我存此語在衷曲轉益傷心鮮民酷龍蛇歲運期再周華

屋山北枉棖觸幾回痛哭黃墟掩書簡飄零愁嗣續侍郎

幾子儀孝廉繼父遺孤甫四齡悴弱可念昔公賞我才縱橫流轉十年百患更

長安閉門秋意晚涼雨瀟瀟開決明打門忽報高軒過慰
我生平鷗鷺盟開圖極覽未畢上有侍郎陵雲筆作詩
紀實詩猶話證以昔聞詞如一固知我公不妄語益歎太
君賢無匹有子才如蘇長公請為制銘奠幽室

題廬陵王氏兩世孝錄

曾閱風云邈祥覽亦不作孝弟根性始俗何日偷薄猜防
起骨肉庭堂區徑壑廬陵有義門琅邪閉闕拓五世以孝
聞兩代蒙楔綽父躬薛包義子馨老萊樂父申籲天調子

馴摯獸惡父邀白鳥異奇祥昊穹格子廬丙舍旁春回杖
桐活更有珍泉涌峯曲便斟酌宵人感至誨變行奉束約
推孝及弟昆韡韡燦華鄂推孝及姻黨殷殷敏酬酢推孝
及鄉閭烝烝化先覺孝德洽神明感通逾烝祔闇修報更
奢如稽秋則獲敬惟年丈人霞九先生循聲蔚琴鶴纏鬻足艾
綬贈章何纍若假歸繞墓樹懽動烏鵲世德庸有俟似
續隆構騰我讀旌孝錄請為陳其略并以詔世俗古人重
天爵

為朝鮮貢使李瀉船尚迪題其師金秋史正喜所畫
歲寒圖即奉簡秋史秋史慕 中朝儀徵相公之

學故別署阮堂云乙巳正月二十五日

昔從徐孺子獲聞阮堂名崎士來樂浪祕笈耀東瀛前編

補玉鑑盛業恢松庭朱氏筭學啓蒙中國久軼阮堂於其國得之戊戌春來京以贈徐鈞卿觀

阮堂所慕阮見之喜且驚趣付劄副氏及門校筭精原

秩珍弄處選樓時高儀徵相公得朱氏書屬羅君次老

阮屋其下箸述老愈成球校筭付梓原本財文選樓新著詩

成一函遠相貺俗耳乍馨遠大端蒙初客首觴客拓軒楹家

榮嗟此後凋節遐隔一水盈敬以老阮書用慰阮堂情亭

林顧氏譜新梓快合并穆以詩書古訓及得意與失意絜

量鴻毛輕區區汲鄭慨圖意如此仍然世慮搜願回竈觚聽金石劇歌聲願黃儀徵教相業鬱晴嶸

追和趙蘭友觀察歸田留別同官元韵十首二月初六日

一飡一宿見因緣仕宦相羊況有年封舊海馭良偶爾測

海放言巖下自超然

摩挲章綬意徐徐病鶴人猶歎不如官過邴生六百石裴餘惠子五車書

盛游定復憶承明雅好難忘書畫評自有煙霞生老腕能無感慨入詩情

澗芷江蘼采摘頻刮摩蕭艾不逡巡偏從文字申殊契拔

識江南第一人分校南闈得潘生鍾

學術恢奇謝奉尋獨留悃悞在人心可須今代皆工畫為寫垂街桃李陰

落落襟懷不繫留載將美酒滿歸舟江神慣被坡仙謾為問歸田得計不

秋春科目喜聯絲鄉會試皆與先君同年接待琴尊亦舊緣濟世深慙成瓠落從公敢復效觚圓

繞階嘉樹拂闌干玉友金昆屬二難供具餘財疏仲減瀕荒老屋杜陵寒

故里歸來信快哉卅年風物互驚猜珣琪許逐安車返暫歸

省墓夏初將復來京寓月蚌先隨驛使來許以奉天生蛤蜊見脫

輪蹄纔得息馳奔一室懽然骨肉恩共羨家風追石奮欣承賓閣闢公孫

平津侯鏡歌為呂西邨世宜作三月二十七日

西邨同安人穆曾見之陳頌南侍御坐上鏡以建初尺度之徑七寸九分厚二分有半唇倍之重今權二十八兩九銖強青龍紐鐵環貫之紐上有方印繆篆不可識紐下一凹圓如月而有光右側書大漢平津侯五字左側書元朔五年造五字文襍分篆公孫藩川故物也班書外戚恩澤侯表載宏

封侯在元朔三年乙丑鏡鑄於其後二年乃武帝卽位之十七年卽宏請為博士置弟子員之年距今道光二十五年乙巳凡千九百七十六年矣

一春苦旱天無霽小齋燠坐如枯螢忽然圓月來吾庭蕩滌塵猥生光熒二千年前古鏡靈八閩波浪顛滄溟蛟龍疑怪溯空舫慰我幽獨開其扁中天三五輝晶瑩鉛斑上浮水一泓往來散亂成風萍鐵環貫中制作精紀爵紀年質不銘丞相頭髮繁霜星太常再詣暮齒零一朝位業躋青冥吏事緣飾尋遺經辯雄兒麗神亭亭獨以慎厚回天聽偉哉東閣鳳舒翎羣賢謨議風雲生博士弟子招以旌

古人拜恩模鼎劍高詞大義文丁甯丞相儉節天下名莊
 鑄鏡背不娉婷文成十言足儀型可憐蔡慶何平平汲公
 史公嘗過情西邨呂生奮泉汀瀾飫漢宋無畦町餘事藻
 雅析豹蹤行年六十著述成甄金訂石意態惺寶此如璧
 如龜苓所至有神護輜駟博稽故實水寫瓶西漢文字發
 幽馨孰分孰篆辨涇涇元壽永康空汀營我初遇生御史
 廳骨相清臞言近誠側聞著書初殺青閩士契愛融心形
 亦猶齊人推臣宏我歌何啻鐘撞廷得健乍似御風冷關
 門待雨傾藏醴祝生壹德老復丁博古圖所載古鑑無紀
 年者翁氏兩漢金石志
收漢鑑有年號者二一為哀帝元壽元年一為桓帝永康元年皆遠在此後

有強以楊忠愍雁蹟屬題者為舉舊聞告之二首五

日五

數過容城縣裴回諫艸亭斜行爭座稿細字度人經筆挾
 風霜氣兒瞻河岳靈緣知忠正士八法定然精
 舟泊焦山尾尋幽試一登禪房開錦袂老筆宛枯藤聲偶
 椒楊合光還鼎鶴陵却觀贈獄吏墨采未飛騰

自題大理石畫六月初四日

濤勢一掀山一重巒頭吸動春濤雄米家父子無此筆萬
 點濃翠來橫空

張仲遠大令屬題其姊婉紉肆書圖

少讀儀徵書悔識北碑派魏齊尙根節晉宋俄稊稗中原
戎馬際刻作仍整邁南帖例北碑一拙一狡猶此義喻者
寡世俗互疑怪吾宗宛鄰甫衙退坐吟屨峩峩天柱峯輝
溢館陶界素業所獨到儀徵有鍼芥宛鄰之兄皋文先生
儀徵高第弟子也
用筆猶用藥一例具懸解宛鄰精醫術刻
黃元御書行世家學事仰鑽大
冶共鑪鞫餘韻及閨閣姊弟儼沈澆行年今四十進德廓
其隘光青題字滿搜拓足稱快精手更瓊蠟琳琅素壁挂
於此滌壽厄曹班說情話錄錄簪花者慎勿納其拜

古寺尋秋圖

廣甯門外天甯寺元魏太和中所建光林寺也隋

仁壽中建塔明宣德間改今名寺僧以蓺菊爲業
北朝遺寺存無幾元魏光林近可尋古塔況餘仁壽字出
郊何惜短長吟寒花得酒秋增豔老樹多風葉易深愁我
不工時世態畫中輸却菊盈簪

送陳頌南給事還晉江五首丙午元日

晉江陳給事結契稱最早相期在儒業餘事亦文藻天瓢
有輪灌根實絕人表君陳恭甫編修
入室弟子也探喉極萃蓴泚筆潤
竄窾能以著書才開說使羣曉好善矧若渴微藝輒傾倒
初訪我旅館周旋頗艸艸戊戌春頌南初訪我於太原會
館穆時將南游匆匆一談而別
江南載言旋悰款久愈好雁序遂弟昆過從罷平簪裏俄

然大鵬翼負聲而蒼昊盛名共奔走寰海溢頌禱名高譴
應重今事昔先瞭歸田更何歎儒業期永保
何者爲儒業將無事讀書讀書君夙好調語庸愈乎君居
瀕鯨海蠹國繁有徒蜚艇簇南洋物產爲空虛司農仰屋
歎百畫靡一舒重以衣冠儔導民弄邪蘇功令緣有格金
錢助之驅丁此蝸蟾會豈不賴有儒儒術首博愛食貨非
迂圖周觀前代事今困儻可扶給事磊落人無但注蟲魚
候官再起用總制關之右 朝命初下日賀者額以手給
事奉嚴議讒毀中彼婦 朝命同日下惜者不容口賀者
與惜者意甯區薄厚或爲蒼生幸或爲當道醜八琅瑰傑

多林陳今稱首行矣尙慎旃候官更誰偶

退之賦五楸樂天懷二馬賢達得喪閒未盡忘情者給事
家不豐文字傾羣雅況當埋輪後隆隆盛名下祇慮應之
劬不慮愛者寡聘纒量所受熱血慎所灑好善貴擇人金
注不如瓦晉公謝朝紳溫國在洛社何嘗忘箴諫亦頗親
壺牟古人定勝今退則耕於野

媿無郭外田足耦沮溺耕又無面山屋弄此書兩楹浮沈
京輦閒鬱鬱竟何營耳目有聞睹撫念總可驚反復殘斷
稿塗抹無一成祕籍富柱下插架儼專城在昔著述例不
計身枯榮職此人海中飄轉隨風萍風萍有聚會君去無

合并曉起炙冷硯元日謝軒纓商量淵路贈感慨有同聲
元日謝客獨邀頌南小酌穆賦此 行矣尚慎旃濯磨萬古
五章伯厚贊善爲文以貺其歸

李寄雲 恩慶 侍御平谷山莊圖

李君夙昔山情耽空齋次第來煙嵐 君三寫此圖合爲一卷 有田密

邇在平谷退耕謀縛黃茅庵此意朝紳類相襲曾幾酒榼

山中擔李君古直不欺節義之誓墓甯虛談 侍御祖墓在平谷 盤

山三盤幽可探山陰宛若江之南繡壤豁開流泉甘中盤

北面雄關三 黃崖將軍及居庸而三 洵河左合盤谷水素湍頽波沿

溪潭 語本 浸潤山陰成沃土土宜稼穡桑宜蠶定光塔頂

游夢酣自來峯接天蔚藍 游盤山者立中盤定光塔後北望自來峯外則平谷縣城如在

几席也 何日致君堯舜上軒眉無復憂心淡長揖同輩抽朝

簪欣見騶馬來趨趨有奴橋木栗葛拙侑以書策琴瑟鐔

卜居況近朴長老靜證不待內乘諳我本無營適所適溪

山佳處常停驂側聞盤山多奇石虬松橫畝填衍紺讓堂

來以前丙午手弄經目塞字函 程易疇以乾隆丙午游盤山有游記載通藝錄中

會當從君一登眺便與彌勒謀同龕陽泉泉聲滿耳含欲

圖恐遺遺山慙 穆家陽泉山莊金樓雲道院也元遺山嘗宿此有詩 東方索米久憚

煩無田不歸誠哉貪 用東坡詩意

顧南雅畫梅爲子貞題

作賦久無廣平手醉墨偶留遺老花不是胸饒孤直氣酒
懷何處發槎枒

題叔穎尙書近作詩卷

乍展新詩卷如聆古豔歌行閒餘感慨空外鬱嗟哦天意
真難測遐心喻豈多中旗矜獨賞深隱更如何

朝鮮李景淑

時善

王孫持滿船書來謁將歸索贈

多君夙契結煙霞橐筆東浮使客槎

景淑為副使趙君記室

楓岳壯

游羸好夢

見所作夢惺齋銘序

雲林勝覽媿倪家

君者古如飢渴媿余不足償其願也

愁聽鯨海成連曲

謂君師秋史先生時謫居海島

喜述龍荒可汗牙

余方纂蒙

古游牧記

一事定輸歸去樂飽看烏石早梅花

昨夜夢尋烏石路山前山後早

梅花朝鮮詩人金叔度句也見池北偶談

王蓬心山水爲子貞同年題卽用卷中汪韓門陸筱

飲韻

何君論書尙北派酌波三魏遺二王何君論畫絕哇瞳不

因工拙衡短長長縑巨軸襍沓購拔其尤者吳綾襄蓬樵

畫筆橫沅湘

子貞云蓬心作畫多是沅湘閒景

脫屣家法陵癡黃

蓬心麓臺曾孫

也此卷自題仿黃子久筆意

峯回溪轉意結葍開拓邨容聯圃場憶從

何君初弄藏於今聲價爲之昂

子貞酷喜蓬心畫見卽收之於是厥市畫價爲之頓

增空齋屋漏雨脚亂遠山牖外迷青蒼却開此卷臥相對

畫意層邃雲混茫想見蓬樵初落墨閉閣疑立孤鳳皇其

山可隱流可汲定有異友來子桑今我胡為瞻四方不退
不遂心徬徨欲謀一醉苦塗淖欄聲放悲淋糟牀

方正學仁虎圖閏五月二十三日

圖額題云洪武十三年七月台州山中人晨起見
有虎立於山之陽良久不動狀頗和易虎旋從山
下徐步緩走甚有舉止尋入市市之人咸來觀都
不畏避久之乃去是歲郡大穰人相賀謂仁虎之
出有秋之徵也甯海方先生希直為傳其形明年
辛酉三月監察御史劉君孟藻持圖示余因述其
事秦府引禮舍人崇德程本立奉題八分書本立明史

有傳死
建文難

至德能令爪牙馴異祥詩詠騶虞仁有明洪武歲庚申門

震奉天殿謹身是時鉤黨獄方急是年春誅胡惟庸異哉化乃符

睢麟台州山中眾逐虎虎若不覩來逡巡繞市三市殊近

人不威不怒藹可親自浙以西歲大熟仁虎之來容有因

甯海方子二十四云拈采筆寫其真持圖示人劉御史紀

實詔後程儀賓我思孟藻實前死孟藻劉誠意之長子璉也傳稱其洪武十年授

考功監丞試監察御史出為江西參政太祖常欲大用之為惟庸黨所脅墮井死按惟庸之誅在十三年春劉孟藻之卒當更在此前焉有至十四年尚存之理即金華初謫存亦不得官監察御史此事之顯然易見者茂江濱是年宋文憲坐其孫慎黨胡惟庸罪貶茂州方子從學稱最久曾否負

爰隨車塵此日寫虎虎有神異日當陞批逆鱗方子本是人中虎以虎兒虎厥德鈞吁嗟乎以虎兒虎厥德鈞何必手寫狀嶙峋

李寄雲摹黃鶴山樵聽雨樓圖

此圖藏南海吳荷屋中丞家丁酉人日程春海丈招游龍樹寺中丞出此圖共觀穆幸獲寓目今讀寄雲摹本放悲僧寮雪霽據案披圖欣賞時也

字勒筠清館圖傳黃鶴樵春宵雪嫵嫵用程丈序語記聽雨瀟

瀟南海歸裝渺西臺畫筆超神思偶相契不復事規描

孔繡山憲彝青天騎白龍圖三月未

最難鬱有監門策灑涕排雲訴九閭一夕甘霖平地尺秋

來禾黍看登場時望雨正殷關陝以

繡山室人朱葆瑛虹舫侍郎之女臨曹全碑

名箋親擘小蓮室夫人作書自製小蓮花室清課箋好夢難尋對嶽樓繡山

詩名對嶽樓到處碑材堪刻畫數行眉墨足千秋

至人行奉訓魏象伊先生卽次怪石行原韻

勇傲賁育舒其拳齒傲佞鏗鋪其年擾擾世俗苦多妄至人一笑完吾天和光不飲盜跖泉好樂不踐歌舞筵不材見棄材見斲木鴈之閒謀兩全木鴈之閒無兩全堅肥浸世劇可憐會須踔厲太虛表棲形宇外安不騫食雲茹露

有決擇况騰捷步神山顛至人之天何獨完有將精力隨
風煙儻然游興可再鼓海濤一曲煩成連

讀元祕書志書筵贈何願船比部四首

時願船為余校是書甚嚴

斷視零書購裕皇真容不廢賈平章江南木匣加嚴飾一

一標題付子昂

卜日奇書習呂才司天生併取回回孩兒那箇如孔子有

詔新除待制來

元家畱域古來無統志書成亦煥乎最是洪荒西北地會

經奏取各城圖

畫工襍進唐文質裱匠添差焦慶安喜有著書船載到秀

才風味不嫌蠻

丙午夏頌南將歸潘公子季玉集同人餞之右安門

外誠氏園穆以小恙不至頌南詩先成一時和者

甚眾季玉因續圖以承其事越一年偶見此圖不

勝懷人之感乃次而和之

帝京南郭外鬱鬱誠氏園公子脫塵鞅於焉饒盞飧一觴

引深綠萬荷映旭暎熹遊賓客良未恤車馬繁交際泥屨

屐禮數謝遮蕃咄哉名御史言歸海上邨微彼吹垢力誰

能使之軒王貢行異轍淵路可無言更秣櫪馬芻勉聽池

鼃喧紛綸襍經義隸古判瓜躡賤子抱薄痾偃蹇不勝尊

多君設盍豫獨我囊括坤深涕灑唐衢夙抱闕徐原天南
時極目想見古處惇潭懷抱閩勃庸復睇鯢桓

題張受之辛空齋畫靜圖用東坡墨妙亭詩韵同子

貞太史

受之工刻石叔未解元之從子也頃松筠庵僧聘

刻楊忠愍公諫艸來京師受之介子貞以圖索題

且鐫兩印為摯圖前儀徵太傅為篆芝鶴二字蓋

以伏靈芝黃仙鶴相況云

嵩鸞交訂明永陵仲芳太常諫疏騰詞蹇直揭日星彼
猶狐鼠公鷗鷹稿艸流轉三百載薄楮淡墨摸有稜我昔

表回諫艸亭初鐫半疏如鏤冰精誠有注金石破況斯二
疏神實憑吾宗鐵筆拔西浙奏刀不恤人疑憎以意運腕
才運法刻石何異揮縑繪手眼既到力必銳知岱華高斯
能登名僧遮要此下榻松筠客寮快得朋偶出餘力刻畫
我有效鄭燮規青藤學人萬端皆有法藝無巨細爭傳鐙
叔翁古學吾所拜太傅名論吾服膺

伯韓侍御將歸桂林出其尊人韞山大令詩墨屬和

卽以賦別

東山定是勝西涯此去應爲賦白華辦賊孤臣今有廟癸酉
滑縣之變大令守滑建言嬌子久無家詩結句我有衮師
城有功臣立廟祀之嬌養慣謂伯韓兄

也弟大雲弁研天疑雨好句生香春在花又值中州荒礎日
喟無良吏問桑麻

九日送朱伯韓侍御歸里

今代三直臣吾皆得而友聲光有顯晦致君靡薄厚道義
美扶將情好相人偶搆搆冰雪懷歲暮期永守何圖三稔
閒相繼釋龜紐高要以憂去抗志林壑久笑看出山泉漈
漈研巖口賡堂釋服期年矣 晉江以毀去園蔬摘齒菹倒
屣彥方來豪強乍斂手泉人感頌南言 國總無媿蒼
生亦何負獨餘索居歎風雨罷尊酒一鶴耿在霄丰姿颯
斗擲覲以孤鶩翼蓋彼不鳴醜志申宦已達有懷矢將毋

買楫下湘灘詩壇羣圭占蔚然文章家名字挂南斗經術
嗟茫昧蓬心缺啟牖雅音久不作眇響出瓦缶可憐鄉壁
生竊竊珍敝帚大海水所歸眾流無不受介邛寶所鬱瑰
奇無不有願爲訂其是兼能辨其否去留非偶然出處均
不朽水流閩粵通歸轍蘇陳後咄哉索居歎增我離羣咎
知己平生幾頓輒判蹤夙天水吾所親點勘同丹黝昨來
丁大戚全室持廣榭春間趙伯厚舅 躋謬孰相證如屋豐
其蔀君胡不少留爲我疑義剖或待堅木攻或資大小叩
黃花爛在眼秋薦盛鱸林即以九日祀亭 列坐三十人
起酌爲君壽贈言餘規勉臭味無熏蕪記取犯軼期丁未

歲重九

題萬年少秋江別思卷子即用亭林贈萬詩韵

此卷初歸休甯程孟嘉讓堂老人爲作跋後歸蔡太僕友石年丈丁未冬太僕長君小石司業見穆所撰亭林年譜載有此圖出卷索題子貞同年手摹一本將寘之亭林祠堂因爲書顧詩於卷又依韵和之以應小石之屬時大寒節後二日也

最苦元黃會此身落世網側足宇宙閒無地堪長往大江流日夜秋心劇森爽可憐大厦材斤斧橫天枉賈與僧等耳無復儒生像顧子經綸抱名字寄遐想流轉久吳會遲

未親塵鞅萬子定磊落豪情代靡兩生平彼美思清淮得片壤風萍一朝合銅駝泣榛莽拏權更相尋艸堂快抵掌泚筆寫秋清浩渺舉書幌咄嗟舊賓客毅魄隨夔魴秋思果何許時會靖板蕩尺幅落人間名流重矜賞祠宇豈吾私前車戒標榜子貞手摹此卷將寘之亭林祠堂故結句云爾

魏春松

成憲

觀察官舫侍膳圖應篠珊農部屬

月十二

十一日

兩番臘雪厚盈尺閉戶圍壺謝賓客游蹤回首溯江南涵空江水珠湖碧昔年兩度往復來梅花亭埃綠楊驛好風容易官舫春馨膳何人此晨夕況是繡衣貳使節雋公治

嶽頌聲溢佳兒班綵希朝衫阿翁健步蠟游屐十年違養
頭初白一醜澆胸色微赤舫中家慶綯咳華舫外官程耀
旄戟負弩鳴鉦俱等閒難得親顏來几席使君此樂誰能
傳畫者羅聘籤黃易兩峯畫秋冬卉分書魯峻姿未谷先
官舫侍蘇齋歌詩長慶格似樂天歌行三朝名筆已駢
羅吾友一篇尤警策謂子貞圖窮媿我殿其終雪窗呼火
冷研炙餅疊頓觸平生感往事何堪溯疇昔江淮終古長
在眼愛日飛騰吁可惜

為筱珊農部題胡褐公金陵畫冊適楊子言亦以石
濤畫冊屬題故牽連及之二十

晨起雪窗展畫讀湘水石城燦在目石濤禪學衡湘深褐
公游屐石城熟兀餘身世滄桑感鄉水鄉山同一哭昔余
題詩褐公冊彈指十年丁再覲丁酉春會題褐公作畫妙
能空誰其賞者櫟園翁櫟園讀畫錄李君實嘗言作畫惟
其惟胡三褐公與君性孤僻作畫如之用筆設緊余以實
色好作縹渺虛無態故咫尺間覺千萬里為遙證其空鍾阜雲氣靈谷松攝山桃葉經行處畫意盎然心
目中始知空從實境出惟實則邃空則工蒼茫不復辨筆
墨半是胸中淚與血咫尺千里更萬里閩嶠傲裘燕臺雪
人生合為知己死羊左風期未云烈褐公與櫟園交二十
舍去櫟園自閩被逮北來褐公從至京師事白乃曼聲更
去櫟園有為胡三微裘歌及送其返白門等作

誦移居詩溪山佳處唾壺缺

禍公工詩不輕示人有移居詩三十首櫟園序之云端伯

得見於虎阜我得見於惠山蓋非佳山水處不肖出以示人

嗟余忍凍忘淺斟畫理禪

心往復尋已為石濤撩吟興彷彿真身修竹林

修竹一叢石濤拱立

其間題日吟詩立片時頗覺心神肅

更觀褐畫二十四其一飛去疇追臨

四幀莫愁湖杏花邨雲谷深松鳳臺獅子山清涼山觀音閣鐘阜長橋夜月龍江桃葉渡攝山祖堂長干塔石頭城方山燕子磯天闕雨花臺梅塢憑虛閣白鷺洲冶山謝公墩一葉失去

濤邪褐邪將毋不同者兒同者心

為楊子言題石濤畫冊即用冊中子貞書元章題巨

然海野圖詩韵十二月二十六日

遠游歸來眼界濶雲際飛濤沿木末無人山徑松聲寒夾

溪樹影雨後滌一拳兩拳石翠拔獨載詩艇到幽絕江南

山色紙上活禪心苦被畫情奪忍以俗巧誣造物此身久

分倫胡羯寘念不復關華閱大帽芒屨志早決巖阿恐有

龐公宅天外豈無盧敖客我因愛竹吟懷結雪屋冰天寒

研滌

研滌

月齋詩集卷三

道州何慶涵校字

月齋詩集卷四

平定張穆

丁未九日顧祠秋禊圖分韻得燕字戊申元日補作

康熙七年春

是歲戊申

顧子客畿甸三徐時里居行膝倚僧院

琴劍一昔留廟兒千載擅井亭初結葍簷竹已蒼蒨宋儒

書百秩唐人石一片

新刻宋元學案百卷唐張夫人墓志俱存祠中

斷手癸卯夏

何君實營繕壁鮮畫字蝸梁來定巢燕吾從何君後歲時

絜椒奠豈有門戶私講堂擬首善將以證實學覲或化辟

嘑太息浮華士憑虛事論譏厲其雌黃吻抗我山斗面此

風自何時學術又一變舊史遭塗乙鴻章忒評選謬學薪

火燄速化枵腹便吾無力拯之坐觀丹碧絢一厄耐顧子
敬申蘋藻薦遺書所沾勾功足翼箋傳治亂古今徹吏事
自精鍊有時胥史籍不讓會歐先陶鎔歸實用有侈美服
菘永靖水火爭一洗裨販賤何君規模廓結識多才彥小
子意量狹交舊餘狂狷志同趣豈異穎脫利鈍見硜硜朱
御史曾此共談醺因作贈行詩觸我歸田羨雙松翠拂屋
闥人榮枯徧回溯顧子游又四戊申禪相期求實事無以
規爲瑱

爲魏筱珊題香光青山白雲書畫卷子

香光自題云
白雲青山兒

青山白雲父別紙書多勸
人念佛語二月十二日

青山知有見白雲不知父來本無端來去亦無端去白雲
變滅無定形畱得青山照眼青有山定有生雲日何須更
念千聲佛

題乞畫圖用子貞韵

五月初八
日辰刻

劉彥冲畫吳西橋藏顧子山乞皆吳人也魯川屬
子貞爲隸其冊首子貞更題詩於後

何事藏弄何事乞矜賞都出世情外彥冲作意學癡迂西
橋鄭重緣摯愛不然過眼雲煙多何獨區區形瘠疥獨怪
倔強顧虎頭平生不向人拜霜林好處一俛首圖中喜
色動顏欵馬欲成塵猶市骨龍已飛空尙畱蛻友情畫癖

皆絕世氣味由來納鍼芥我生愛友如愛畫未遇其人恥
解帶世間妙物必通靈吾輩例須破意械舉觴更待小馬
君讀書臨風發豪慨

子貞疊韵示荅仍用元韵酬之初八日未刻

平生一筆不能畫論畫每超筆墨外子貞能畫亦不工大
葉粗枝劇可愛人生但貴適其適一藝纏身如病疥詣微
況有平等學何事爭名要人拜羨君晨有庭圍樂雙燕巢
門慈母歎幾時絮語畫堂深雨後新雛殼初蛻子貞詩來并簡云慈侍勝昨惟默祝雙燕到後堂一絮此中真意畫不出餘事朱紫真拾芥我
懷故巢碧萬竿君夢江天青一帶歸耕煙雨何蕭爽談心

邨谷忘機械子貞又畫吾兩人與苗先路三同年邨谷論心圖兩圖既出乞者誰

無計買山還自慨

隆慶龍香御墨石綠餅應潘季玉屬

有明藝事關宸鑒甌色鱸紋各異常石墨萬籤天錦繡明初

分藩諸王各賜古法帖百秩社芽一笏晉文章晉潘分芽社墨乃擣和賜墨為之何來

圓月籠香劑如見遠山螺黛妝雅好欣歸潘谷手豹囊隱
隱發幽光

乞子貞畫竹兼約晚酌用山谷謝黃斌老送墨竹詩

韵六月五日

吾友書詩學今代更無輩龜勉策蹇驚十駕仍未逮要其

獨到處吾意自能會
君庭陬竹喜與朔風背

子貞云此竹未受北

風故

活 寥寥十數竿
勁含霜節在吾有齊
紈扇銀鉤無與配

其一面魯川為小字寫太白詩

撥燈既未工沒骨復不愛
乞君回腕筆軼出常格外
筆勢挾風雨斜整俱有態
已約小馮君晚食一

尊對烹羊爓藏釀副君腰腹大

約魯川晚酌論文仍用前韵

斯文有真契不復關流輩
手力偶未達勉以心力逮
久之心手融妙與古人會
胸有百世量開口與俗背
一勺大川具片言全體在
英英小馮君吾才豈足配
可惜少年時稍逐俗憎愛
邇來學力瞻見洞指授外
炎窗日在頂儼書功

更倍交以淡漸成一埽
媿嬰熊烹羊來共飽
三友此晤對商量千古業
請君立其大

魯川賜和拙詩獎飾溢量復次前韵酬之

六月初六日

惟我實幸人猶及見名輩
高言入為主所媿躬不逮
名場久謝絕冥心與古會
一義偶有獲快逾蚌搔背
環顧英妙才知大有人在
矧君鴈門產祖德裴柳配
弓冶二百年允宜厚自愛
刻意求實是樂溢語言外
一事古今徹識充氣自倍
興象定無窮詞瀾益多態
盡解門戶縛誰敢壁壘對
莊生知道者貴乎善用大

獨夜和戴筠帆

十九日

月齋詩集四
心情委嬾欲爲雲斷夢初回夜未分悔不僊僊隨若士可
能錄錄效諸君一錢不直名山計萬感難銷誓墓文痛絕
離魂逾百日不會翻動畫羅裙

爲李寄雲題大癡江山勝覽圖用卷中唐肅詩韵十二

日

地可錐指海可測畫意詩情渺物色本原妙處同其波學
力厚時培以息大癡百歲萬雲煙

大癡年蓋九十以上此
卷題至正戊子年八十

矣富春帆影翠蛟泉是否曾經蜀道險十年寫足真山川

自題云十有餘年而成此卷雲林題云岷
山萬里翠黛峩峩令人復有楚游之想扁舟弈弈江天

裏時有巉巖插面起浮圖野店結幽深荷樵飽閱霜林美

我方披髮尋隱淪主人應念平谷雲儻對真山讀真畫共
抒霞語誰能羣

追題王海門 大淮 撫松圖

平生歲寒心見畫亦色喜喜於根節中具有陵雲氣陶令
信逸曠不浣彭澤塵飢驅三徑熟益見陶令真吾家山堂
樹一一皆入畫不官復不歸泉石應吾怪卻睨偃蓋枝雛
鳳巢其顛有聲諸綠綺有陰巾青氈

題汪筱珊 藻 六橋煙雨卷子三首

平江一舸卽西湖咫尺清遊寄畫圖贏得白頭開卷笑看
山更不倩人扶 筱珊時以
侍養家居

胸中具有元龍氣早卻朝衫理釣舟嘆我江南酒痕在幾
時重問六橋秋

新圖有約訂歸耕入望雲山不斷青讀書便教鄉夢遠一
簑煙雨靖陽亭

追題蔡友石年丈春明揖別圖應小石少司成屬

印纍纍綬若若春明門外華輪錯驛亭日日送行人杖節
擁麾沙雲鶴菽水原資奉檄來鼎烹漸熟為官樂圭田何
日足千耦綵服百年能幾著尹京丈人意氣真誰與先子
同兩辛動階足慰寒鐙願小別難忘憲閣春一朝嚙指詫
心動即曙陳情勇乞身銀鞍寶馬傾城出歎絕同朝祖帳

人惟公政事號精鍊雅性猶然墨緣擅長康厨啟足光怪

玉局瀾翻聳談讌我從總角侍先子玉弁荷衣初出見年余

十一從先子流光電轉廿年速顯月清齋叨論辯程春海

為公獻歲萍飄偶逐使星槎鍾阜城南一徑斜戊戌八月

公評書畫白頭一笑流慈暎黃菊飛香入絳紗謁公於江

第碩尊酒時時落畫叉展公遺圖一神往明發增我餅疊嗟

題宋芝灣觀察與池籬庭戴筠帆手札及所作十三

詩艸稿應筠帆屬宋有紅杏山

始吾借榻激懷廬論文喜得池仲魚神閒氣淑語無妄不

求入時亦不殊新安侍郎程春為我說此乃紅杏高門徒

繼謁吾師謫仙老李栢座閒拜識戴安道掀須一笑名論
作曲學媛姝態全堵我詫此語聞所聞沉澆真源定可攻
始知金馬碧雞彥紅杏先生披羅早孤寒提挈此風塵師
友恩如骨肉親期以文章致通顯卻專霖雨壽斯民選聲
鍊色都有法筆妍墨妙光輪困果然兩君善承學後先脫
穎充國賓池君豹直承明久手持英蕩西南走軺車一發
不復回講堂幾日成污萊齋庭督學粵西未期卒於任所從此古滇失一
鳳漢廷無復尹珍來戴君天資獨耿介垂白功名滯郎解
邇來喜假惠文冠

廟堂側席聞碩畫況有琳琅味雪句鐵石梅花契箴芥飄

零縑素嗟餘幾四老四無兩不賣四老曰老僧老道老將老卒四無曰才子神仙

壯士美人兩不賣曰書劍又有三白頭日夜烏蟬蟀秋桐合之為十三詩我披遺墨重自喟紅

杏風流今孰儷吾師謫仙所服膺當年曾荷竈觚憑鐔于

敕誠亦如此期我接手雲梯登電轉騰馳二十載讀書讀

律百無能不惟媿池尤媿戴臨碩冷剛讓並稱

戴筠帆味雪齋圖

惠連賦筆憶當年余少時擬謝惠連雪賦頗為師友所稱傅老胸中別有天

霜紅龕屢賦大雪是吾天詩世界荒寒憑夢到性情孤冷渺言詮梅花

本是山中格詩語欣從味後圓任爾尖叉誇絕險不能賺

得子猷船

讀道園自題戴笠圖詩有會卽次其韵復題煙雨歸

耕圖後四首

摩霄一鶚空所依流水抱邨行轍稀竹徑春鑿新荀茁
園秋撥藥苗肥先人清俸餘縹碧下土素懷甘蕨薇記得
當年耕且讀圍窪深處荷鋤歸

圍窪陽泉北嶺名余家舊有薄田在此

會共阿兄棲翠微老松盲石相憑依

乙酉丙戌之間余偕叔正兄讀書蒲臺山

書聲夜起齋魚靜山寺春深野雉稀天屬凋蔀成斷梗

中年哀怨襍風絺獨餘舊日鄉園夢夢道先生戴笠歸

憂患餘生萬慮灰良朋時爲一尊開芳鄰茶把欣增饌厚
祿音書憚婁裁賴有圖書支歲月更無田壠可污萊一椽

會向雷橋築爲報先生戴笠來

余近有買田雷橋之議

登臨有約飾柴車水曲雲坳不用扶氣接層霄定攜謝誠

開海市孰如蘇精神尙欲煩尻馬知愛還叨到屋烏

南中故友

時有書相召待得行蹤徧五嶽歸來更寫壯遊圖

栢堂師側室王氏徇節詩

氏貴筑人師於道光二十八年正月二十一日卒

於江蘇學使署次日氏自縊以徇年二十一

忠孝各根心義烈豈有等旣用酬所天亦以完素秉爨爨

貞女枝金筑擢茗穎幸得侍君子修服孃以整宵征豈無

僚

師有二妾一泰興人已育有子女

侍櫛義微省滿意結歲蕤其力策勉

龜薊矣昆明師使節平江騁一舸游江來行旅鉛華屏何
圖歲未周蓉城閱深冷江陰俗名芙蓉城同爲斯世惜 朝廷失
骨鯁妾義亡與亡相隔才俄頃終古齋長恨微生付短綆
抱無弱息牽烈比柏舟炳無言賤質微波瀾涸古井良慕
苦節貞慘絕春鐙影所天苟無負素秉鬱以固由來義烈
事證實在堅猛具有忠孝材自然氣節挺後堂絲竹地我
媿通造請眄茲霜雪標益懷師教永閨門有風化文思播
泮溟泚筆寫餘徽丹旆睇滇嶺

潘玉泉養閒艸堂圖

塵人一何勞生事日有營愚氓一何閒惜然耕鑿形我思

伊呂儔豈不困衡荆獨抱堯舜樂永指簪紱榮淵然澗谷
際道德發光瑩艸木賁其輝麋鹿習其誠偉哉至人心與
物何將迎潘子挺世胄幼學流英聲鬱鬱經綸抱融結煥
丹青惟其競進恬不屑世俗爭垂天翼偶折一笑鴻毛輕
閉戶人海內慘淡詩禮精萬事溯本原根節孕芳馨譬諸
大海波回風助淵渟又若渥洼駿長謝羈勒櫻以閒證其
性性識何峭嶸以閒鍊其才才調足澄清兼之湖海氣好
客非近名夷門有賢達未或遺侯嬴繫我授性拙求友媿
嚶鳴墮落世網中單華儼專城皇天思玉我憂患今飽經
自維疾疚餘刻意修太平粗餘纂述願先烈恢藏楹謂閒

則已勞謂勞竟何成潘子弗我棄時爲杯榼傾相對籌出
處我志決歸耕勗哉子無然大展鯤鵬程

苗先路同年寒鐙訂韻圖卽送游沛南

九月二十日

河閒古君子葩經少研尋獨於六義內得其不傳音清廟
有大瑟空山餘斷琴一彈復再鼓泠泠韶護心絕學溯原
始才老初鉤沈又越六百載魁儒出亭林五書初印布天
漢光珠參吾友勤蒐學力單稽古沈十部稍恢廓七韻新
酌斟乃於江段書攻辯戈鋌森寒鐙耿獨寤館樹巢文禽
聲諧意彌愜一笑形謳吟里耳苦多昧無由測淵深邨谷
有三友廿年占盍簪今當數載別離羣歎曷禁小詩極妍

妙雅奏饒古風時時裁寄我無忘相砭箴儻聞魯絲竹老
學聖所歆

沈匏廬濤河朔訪碑圖用東坡墨妙亭詩韻

匏廬著有常山

貞石志二
十四卷

隸法溯原漢諸陵東京筆勢彌飛騰峻整總沿秦篆派勁
折不減秋天鷹貴從書史證文字豈徒波磔區圭稜恆山
之陽大河北荒原牧馬糜寒冰殘珉斷壁隨犁出豐碑巨
碣輿論憑自非肝腸足古趣俗學安得無疑憎茂堂高弟
就李彥寢饋載籍輕金繪麾蓋所莅勤剔濯蒼厓薛壁親
攀登上逮姬嬴下蒙達郡齋甄錄來古朋二百五十有二

種稿艸削對縈蛇藤陋鄉巖谷缺瓊蠟歸懷慨寄米園鐙
余編山右碑目以貧無力不能卽就也河朔循吏有吾友補亡歐趙同服膺
元氏令劉君寶楠亦篤好石墨著有漢石例六卷余爲刻入靈石楊氏叢書新得古石刻極多封龍山延熹碑尤自來著錄家所未見

自題小栖雲亭 并序

余家陽泉山莊爲金栖雲道院元遺山詩所謂開窗納山影推枕得溪聲者也有亭翼然高出林杪浙人張君世榮榜曰臥雲先大夫及余兄弟皆嘗讀書於此每欲易臥爲栖以先世舊題未敢輒更也茲余卜兆京北雷家橋宜丁阜地隸昌平以圖

經攷之卽金章宗之駐蹕山也山陽有栖雲嘯臺章宗嘗築亭於其上兩地嘉名適相結葺而此閒峯聯遼碣流帶玉泉山影溪聲較之鄉郡一隅規模爲闊遠矣因擬它日結茅墓田之旁顏曰小栖雲雨眺晴耕徜徉終老余之願詎有侈於是者哉書此爲券并繫以詩 十月立冬日

野亭築得小栖雲種黍無錢亦可欣 香山詩欲作栖雲囊計須營種黍錢

笠喜酬西塞願 頃余作煙雨歸耕圖松蘿休勒北山文翠帡畫影欄

前涌玉瀑琴聲枕上聞依舊吾家好春色 陽泉春色平陽定八景之一

花吟竹更誰羣

輓劉某雲 傳瑩

長爪通眉未易才多君聽我說詩來劬書力銳知緣隙美

疾春深斷舉杯 某雲將歸余置酒相餞以疾辭不到 白髮荒寒餘涕淚青霜

窈窕足悲哀 某雲新娶於鄧 可堪手簡痕猶溼 半月前猶承手書 馬鬣秋

原已綠苔

十二月初五日子貞五十初度出所藏宋芝山贈覃

溪學士延年益壽瓦當文拓本示坐客卽席用翁

詩韵奉祝 乾隆壬寅翁五十

惜味主人金石家 子貞取許君語名其齋曰惜道味 艸海蒼茫襍分篆 自題

詩文稿本日艸海 墨光山翠爛屋壁二岳新居瞻署扁 得宋搨華山碑及泰

山秦篆二十九字因顏其室曰二岳居 華鍾兩鬪苦辯哲岑碣熊銘入甄選

有秦鍾楚靈釋文及裴岑劉熊諸碑攻皆極精覈 何時此瓦落君手籀筆遭池讀

回轉吉語證成祝釐詞宋拜翁哦美意腆歲華倏又七十

歷東閣何郎今大衍經窟沈酣十盪摩詞翰峭嶸百磬戩

怡情坐有好雲山實腹味餘古謨典聰彊壽母慈笑新總

卯文孫春帖翦金閨天爵定無倫玉兆微璫早知兔卜居

欣展德鄰契懋學斬年效敦勉時艱豈合耽長閒 時以奉養辭京

察優等 身健還宜節宵宴 穆病肺不耐夜談而子貞消寒之局頗多 便從五十策

百齡行備九德歸一善會有日華老專客寄摹長生入圖

卷 苗先路同年得日華館專極多而所最寶惜者文曰君子長生是日盛容雲集子貞獨念先路不置故詩未及

之知吾三同年
契分之深也

孔繡山韓齋把卷圖

擾擾古學徒盡讀昌黎文其枝葉耳昌黎有本根本根
既茂遂枝葉奄浮雲仁義漬胸熟經訓澤古勤何患無文
章矯然出人羣笑彼擾擾者遺實采芳芬韓齋真知韓以
韓張其軍 朝廷有述作努力班馬勲

孫芝房

鼎臣

編修尊人采芝圖

朝采巖芝赤暮采巖芝綠仙人餐芝如餐穀種穀憂不熟
采芝無不足芝化琅膏成美玉身輕飈舉聞風顛控引珍
鶴陵飛煙可惜親顏不冒駐手把芝英淚如注五雲照耀

齋房來孝思鬱極金閭開喜循諼背吟蘭陔

戴筠帆陞山載筆圖

二十四日

陞昆明縣境山也筠帆嘗修昆明縣志因寫此圖

後代郡邑志體準古國書山川綱目張豈復迷經塗人倫

潛德耀亦不貴虛譽實事既已舉文例更酌諸繁簡各有

裁益損各有模一笑康

武與韓朝

自哆龍門徒寥寥語助

閒皇皇盛業鋪夜郎遂坐大赤手障羣矚至今兩地人焚

研推南狐九能我無一敢議述作乎敬惟先朝議郡乘初

爬梳稿艸削未竟畦畛仍荒蕪

先祖初成州志攷誤一卷
晚年值修志之役相為條

舉凡例以丁內艱不越今六十載誰與嗣操觚小子竊討
與其事州志遂蕪

論意蘄先志扶助寡甄采陋家貧瓊蠟無私居束書歎此
抱何時攄空谷得戴子奮筆西南隅滇池一帶水陟山十
里郭風物寫入畫品藻鑿不誣人披圖如志我讀書勝圖
匠心曲有寓不關字句麤惜哉此史才蘄其承明趨嚴寒
閉戶坐凍酒不盈壺開圖一神往春氣若昭蘇耿耿敬恭
懷喜有君知吾

子貞七疊延年益壽瓦詩韵見示依次奉酬 已酉正月十一日

老貞善書得書髓甄研正行入籀篆六書旣貫八法立龍
自游空墓自扁當行仍是篆子體笑君亦濫承明選憶昨

從君斂筆妙君言筆妙妙於轉文以別趣境深幽畫以遠

波態豐腴果然萬卷積腹筭玉色金聲定流衍惟君毓秀

濂溪鄉入掌雙珠家福哉 子貞子穀學生 過庭遺巨佩無頗炙研

同門語必典況復西京師法正大義觥觥蕪蔓翦 君親受公羊大

義於劉申受年丈 穆也何知讀書事麟鼓鳳簫迂不免稍因患難

切杞憂安排風月來徐勉一身長物真無幾妙畫通靈迫

歲晏 余於小除夕失去古研二書畫卷三中 莊生鉤注已

云巧田家瓦盆計尤善願尋煙雨雲山約 上年余與子貞同寫煙雨歸耕

圖 石墨璘珞壯吟卷

追懷文友三疊前韵 二十三日

追懷文友工書者烏程精楷沈子惇泰興篆陳東之皆從本領

攄心畫眉泥面貌區圓扁安正王萊友何媿小學宗黜山俞理

初雅稱鴻詞選不將蛇蚓疥屋壁稿艸縈回妙牽轉日照

許印林摹顏真肖顏性識剛稜意精腆肅甯苗先路釵腳共服

媚白雲動波波涵衍衆妙兼資何道州家聲科目滋履戩

歌詩融會出香谷香山山谷經術淵通窺邕典媿余錄錄從君

後夜雨敲門燭頻翦欣承君友皆我友獨學自封譏庶免

靈光碩果慨無多王後盧前失交勉爾來切抱無聞懼矜

惜流光謝游宴君擅多材綜衆長我囿咫聞葆片善丹黃

矻矻日又晡移鐙更訂古圖卷是日鐙下校管造法式圖二卷

二月初六日大雪曉起子貞以所題吳冠英傳春水

歸帆圖來屬題子貞凡十疊前韵矣余亦四疊奉

和

破曉啟窗雪一尺中庭錯落雞臯篆玉痕化作碧粼粼穩

送歸舟如葉扁孤帆渺渺疑天上春水詞人更誰選可憐

一藝析微茫定要寸丹經九轉貴從疑怪得真髓何事規

摹詫腴腴龍眠老去客囊空道子神來渴波衍多君貌我

如曹霸媿我知君遜牛馱蓉城使節擅風流謂黃羊司農輩學

經生有儀典謂申耆君君山絕頂憶登陟大雪長松空翠翦

己亥正月大雪中余獨登君山絕頂拾松枝煮酒而飲 溟海一漚青到眼臨臯二客

幸知免君家老屋屬親見因藝見道重規勉旋機球度拜

精思君製天球甚精丈室禪鋒容曲宴君寓松筠庵宴同筵席君歸為問宋

家兒曾否遺書寫精善宋君勉之身後遺書余妻托人往寫未得郡城更遇李

嘉生迅寄嚴編足千卷嘉生申者先生孫也嚴鐵橋輯陳隋以上遺文一千卷其家錄有副本許為奇來

五疊前韵乞鹿牀侍郎為寫小栖雲亭第二圖

我生初無一椽托客裏涎緣似蝸篆東坡妙想竊心醉甯

極新齋幾回扁山妻留得首邱貲負郭秋原邀遴選敢晞

高敞風霆護但懼老藁溝壑轉戴侯矜我經營瘁為寫溪

山極佳腴太行北走到遼碣玉水東來帶原衍茅亭結蕙

頽開籬丙舍規模徵社職梁園禪智有前矩準備添丁百

世典侍郎和余詩他年人過宜丁阜定見添丁迴不羣標肩坐索郭香書子貞入分書引

首 衰池親看吳綾翦從來墨妙總通神夜壑移舟竟難免

將無畫格太鋪張天意持盈存諷勉灑西屈指幾寒燠陽

羨何曾一安宴我更古人百不如臥游差喜為謀善煩君

為寫第二圖看取煙霞更舒卷

唐榻武梁祠畫像歌三月十日

任城諸武漢高閭閭字廣韻十一唐有名績史家湮不彰一時纓黻

誰頡頏選石寫德均旗常更篁石室匠作良攄騁技巧端

表坊壽藏久塞趙邠卿錦城又圯文翁堂朱浮魯峻訖李

表坊壽藏久塞趙邠卿錦城又圯文翁堂朱浮魯峻訖李

表坊壽藏久塞趙邠卿錦城又圯文翁堂朱浮魯峻訖李

表坊壽藏久塞趙邠卿錦城又圯文翁堂朱浮魯峻訖李

表坊壽藏久塞趙邠卿錦城又圯文翁堂朱浮魯峻訖李

表坊壽藏久塞趙邠卿錦城又圯文翁堂朱浮魯峻訖李

表坊壽藏久塞趙邠卿錦城又圯文翁堂朱浮魯峻訖李

表坊壽藏久塞趙邠卿錦城又圯文翁堂朱浮魯峻訖李

表坊壽藏久塞趙邠卿錦城又圯文翁堂朱浮魯峻訖李

表坊壽藏久塞趙邠卿錦城又圯文翁堂朱浮魯峻訖李

剛我思不見勞相羊武家林墓非遐荒榮金吾丞斑敦煌
 更有吳郡丞開明不同石闕相扶將畫像自宋傳武梁景
 伯精摹入織芒訪古直到別駕黃高秋促驂賁嘉祥紫雲
 山色鬱蔥蒼往來接剔窮回翔豁然崩動聲礚礚屹三石
 室遙相望文字多逾數百強見所未見誇鄱陽謀垂久遠
 示億疆遷畫植碑通力襄更購佳木裁桷宋庾碑有樹畫
 有廊龕以栗主繚以牆椒酒一卮神升香瓊臘萬錢工豐
 穰從此翠墨布四方書帕充饋聯車航歸然古榻其可忘
 一十四翻標李唐伏戲祝誦耕農皇軒轅勗始垂衣裳顯
 項專謹猥不狂帝侂有子聖德昌有虞遞禪妣氏王桀乃

乘人日偕亡曾閱大孝親聖臧老萊弄雛倚匡牀丁蘭已
 抱鮮民愴邢渠漏載我意傷展對能無涕泗滂舊蹟灰滅
 梁季珩此本初弄囊文箱押角提督兵馬章竹垞作緣到
 古杭花山查氏玲瓏山館百緡償揚州馬氏至寶繼歸汪雪疆貫夫
 陸影摹見未嘗秋奩彫木今盛行覃谿更為加攷詳細書
 銀燭神徬徨自詡金粟須彌藏冊前有翁題詞云余為此冊作細楷前後已二十餘
段字字皆羅兩峯我懷此本更十霜沛上俊游謝不覆辛丑
江秋史小影耳壬寅閒許印林在沛甯屢以書相招未能赴也今乃不脛來 神京一再聞之眉
 飛揚肩齋宵鐙未渠央探籌角雋詞鏗鏘我句未工浮巨
 觥打門照眼虹月光 本朝名筆萃琳琅四代古澤溢芬

芳葫蘆

馬半查

龍尾

汪雪疆

雙山房載歷松

黃小松

鐵

濟甯李鐵橋東琪

如滄桑什襲完好無留瘍疑有鬼神護縑緗甄文更欲我

友叩

謂子貞

考實請為挈其綱今全古缺試判量後百千禩

何低昂精椎融榻付嚴衰沿隙證辨力無冠枝岨未許嗤

螳蜋簾前細雨吟風篁扶扶墨采沛流浪我友詩成嘯鸞

皇我詩蹇盪嗥寒蟹平生鑒古具微長愛玩不復羞空囊

索價八

百金

兀餘樸氣橫蒼茫

喬鶴儕水部買得吳伯榮中丞羅浮蝶卷子屬題即

用卷中宋芝灣觀察韵爾來京師所稱太常仙蝶

者頗往來貴人家干索酒餌非復前日之高致矣

因題此卷感慨修之

六月十三日

靈砂不可致神山勞夢想章質亦殊眾甘心戚施仰巢林

一枝晏斂帚千金享塵土沁肝脾性命徇虛獎睨彼稚川

裔角藩官用罔文彩偶飛翻羣兒笑拍掌故山伊可懷萬

里倏攸往太息京輦閒百族競浮響何事太常仙亦依人

几杖將無利祿誘老貪口腹養誰復念江湖酒船弱可槩

畫稿紛四馳績影勾吟賞我生百不幸幸早脫羈鞅無限

娟蠓儔庭柯罨蝨蝸天南梅萬頃照眼一何廣昨日報書

來尋將蠟吾編

庚堂頃有書來要作羊城之游

八月十一日夜夢子貞夢中知其為夢也曰不可不

記以詩詩成十六句而覺復作四句足之

與君別三月何日不相思此夕忽見夢執手難為懷髣髴
出門日當君別母時擾擾送行客我獨不勝悲感君陟屺
念觸我蒿莪私回頭復相慰歲臘行將歸歸來好書卷文
字光陸離鱗鱗積几案溫酒共讀之夢回月滿室詩力仍
未疲映月索紙筆寫此夢中詩

題孔繡山韓齋雅集圖次元韵九月初七日

苦寒氣逆上閉戶差自適無福入畫圖來作韓齋客韓齋
侷儻士麗句傾元白翠墨富瓊蠟家笥燦球璧一朝得同
好解贈不復惜褒學溢觀山遷性朗白雪孔褒碑曰觀山采玉張遷碑曰

雪白之性繡山以二碑見贈皆百餘年前搨本也我疾忘幽憂古歡足悅懌明窗

一展對硯久為融澤感君念我甚起廢有良策發篋按寶
刻餽勿經旬隔足抵千萬觚爛醉花月夕

陳莠庭士棟七十壽

酒裏神仙福遺山詞醉鄉天大酒裏神仙我如君得已多天懷不瑀琢至

性耐鐫磨齋粥厨中辦兒孫鄰下羅老饒兄弟樂觴豆襍

悲歌勿齋中丞為製壽敘極沈痛

附詞

百字令題子貞手摹煙雨歸耕圖次竹垞元韵 戊申

空濛煙雨看圖中人兒非農非士著述等身容易了只有

鄉懷難已何遜閒情吳生妙手吳儁摹圖重復為摹此鴛湖一

權故應被劾歸耳 卷有畸士吟詩逸民豪慨更倚聲春

水筆下黎工工作幻彈指即成煙市老子揮豪阿郎押角

卷中印章纍纍皆書畫君家事東洲山好子貞自署東洲居士聽鸞

載酒誰是

百字令

自題煙雨歸耕圖仍用竹垞原韵

客游倦也問幾人信我山林畸士辛苦平生餘底物數卷
殘書而已壠上春腴圖中秋老活計無逾此山堂在眼行
膝打疊歸耳 一笑竹垞當年長楊奏賦負吾師田水開
國風流難再覲何事行歌燕市獵聚田蕪靖陽亭古耕作

吾家事綠蓑青笠淵明應說今是

百字令

追題四十一歲小照仍用前韵

緇塵斗擲看圖中北海仍然豪士戢影蓬廬何所樂惟有
耽書而已四十年頭一椽無庇淪落誰堪此蟲魚注徧任
人笑我癡耳 回首落帽并門微裘京國更橫帆江水一
第艱難頭早白絕倒繡文倚市晏相楹書袞師鐙火自有
無窮事千秋盛業及時努力才是

百字令

題子貞煙雨歸耕照仍次前韵

蔽天一笠看新圖兒出東洲居士正是杏花春雨候鄉思
撩人無已決計抽簪甘心抱甕豈肯虛摹此問君焉學學

樊須小人耳 媿我懸耒無家鞭牛何處空盟心雲水九
子菟裘今好在文安丙舍在長沙之九子山竹氣如雲如市汜勝書殘
儲羲詩好都是農家事荷鋤赤足人間真樂如是

百字令

題王鹿屏吏部家
勲扁舟歸養圖

歸裘檢點歎廿年京宦依然寒士怕是阿孃穿望眼艸艸
買舟行已尊酒筵空江天帆飽快意疇如此到門一笑數
莖白髮垂耳 回首人海浮沈經營升斗佐高堂菽水母
被鸞章兒撰綵羨殺江邨漁市舍北花新溪南山碧都是
申懷事有人問字先生應署公是

百字令

黎月樵江鄉歸權圖
仍用歸耕圖原韵

鱸魚風熟問鄉園何處悲來秋士手版乍搥歸思急賸有

離情難已佳節登高古祠送別故事原如此去歲九日廟

韓祖餞今擬復為贈行詩好君言今日酬耳祠秋祭為伯

月樵舉此會也回首焚草雞棲看花驄避矢臣心如水便脫朝衫更野

服醉倒江天蠶市問字亭新孝廉船駛月樵長君家學千

秋事筭來長策一帆早挂良是早登秋賦

月齋詩集卷四

邵武楊樞孫校字

序

右文集十二卷詩集四卷共若干首先師身齋居士遺稿也訓自總角卽聞師名嘗於尊酒間覩豪縱磊落之概心竊慕之成童而後猥蒙獎勵許列門牆欣感之情殊出望外方冀仰窺豪末以稍慰提命之苦衷而寒暑再經頓成永別逝者如斯天邪人邪師歿於己酉冬同志諸前輩命訓檢點遺書無任散佚因取師所撰蒙古遊牧記延昌地形志說文屬及詩文手稿友人書札鎖置一笥中倉猝之間顛倒凌亂不能無負於平生之意愧恨如何可言檢既畢謹呈何子愚先生以俟子貞世丈典粵試旋清釐校訂

已而貞丈甫歸卽持服南下先以遊牧地形二書付何願
船師其餘雜稿權封置京中事會難齊有非意料所及者
至壬子秋貞丈起復入都旋又使蜀於是舉雜稿並付願
船師身齋遺集始萃一處不數月願船師亦從軍吾省行
期甚迫乃許以雜稿付訓兄弟編次又言遊牧地形二書
已錄副本可存都中數日後軍事益急忽改行期倉皇南
下訓不及追送僅從楊細芸世丈處取得雜稿及書札一
束於是師之遺文遺書又判然兩地矣旣承願船師及細
丈之命卽與家兄子肅一一清釐分爲十二卷應試策論
隨筆札記留待續編不敢雜廁也師嘗言學人一生精力

盡於故紙堆中但冀得閻顧之年畢成所撰諸書再取平
生文字選次授梓便可無憾今竟不獲如願遊牧記末四
卷尙未排比幸有願船師任其補綴地形志中有欲移入
水經注表者今無從辨別顧閻兩譜改訂稿本亦未竟業
師又嘗言有校訂尙書疏證重修平定州志元裔表外藩
碑目等書並不知存亡無從尋覓其存於訓處者僅有漢
石存佚表及此雜稿訓兄弟得以盡力而編次體例又不
能復質於九原功名嗣續固已付之於天文字之厄亦復
至此千古嗜學之士聞之當不免酸心況於親承訓誨者
乎訓從師未及二載姿性魯鈍未窺堂奧師亦念訓親老

家貧勉以舉業根柢之學未及多授也今師歿已七載訓
碌碌無所進益不足表章孤詣而向所窺見者則宜謹誌
之以爲楷模師天性肫摯篤友愛厚宗族姻戚故舊靡不
關切周至奉前輩若師長愛後學若子弟至於表章絕學
扶植衰宗不難節衣食以從事而獎掖英俊振拔單寒尤
汲汲若不及爲學專以篤實爲主嘗言爲文而無學其文
皆虛爲學而無行其學皆虛故凡著書爲文皆精深刻摯
務使足以抒性情裨經濟不冒避迂阻以獵取浮名末年
常切切以時事爲念四方有兵革水旱聞之殆廢寢食若
身歷其艱於漕河鹽諸大政無不講貫窮極脈縷生平意

氣峻厲不能隨俗俯仰至遇績學之士則莫不虛心商榷
誠懨動人嘗稱海內文人惟有長洲陳碩甫未及內交然
則師之知交契誼亦大略可知矣末年病氣疾畏寒暑而
伏案研精兀兀不輟黎明卽起夜分始眠雖紛冗無少閒
用力太銳又屢遭天倫之慘煢煢自弔憂足傷人殆不爽
與師所著遊牧地形諸書精深廣博旣足以傳不朽而所
爲文字數年以來每徵先見尤足見其才識之宏而痛其
未克展也中年以前壯遊南北接見耆宿交遊涉歷必有
可述者訓顧幼不及見又比年風流雲散莫可咨詢披覽
遺文感念今昔每不禁潛焉出涕謹述編次遺稿之由與

管窺蠡測之見以勉酬教育於萬一尙冀海內諸君子敘
同心之誼闡未顯之名書諸簡端以昭不朽其有遺佚文
字可入集中者並希錄示俾獲補編則先師固有厚願焉
而擁篲望塵者亦將銘高誼於無已也丙辰七月十八日
門人吳式訓謹識



